

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Consideratio status damnatorum, quod actiones ipsorum  
in primis malas, concernit**

**Fecht, Johann**

**Durlaci, 1680**

CXX.

[urn:nbn:de:bsz:31-122744](#)

Etum est, inæqualibus peccatis inæqualem destinari atque inferri poenam. Cum igitur inæqualia esse in ipso inferno peccata nihil prohibeat, nec quicquam vetat, inæquale esse supplicium.

C X X. Ad argumentum decimum quintum respondetur, I. Falsa est in argomento propositio major: Quicquid Scholastici Theologi uno ore & pleno consensu docent, id vel indubitate verum, vel certe vero simile est. Neque enim majorem Parkerus Scholasticis auctoritatem admiriatur, quam ipsi Pontificii. Jam verò Melchior Canus, (de quo Pererius, in Dan. I. 12. scribit, quod in Concilio Tridentino celeberrimus fuit Theologus, quodque post magnos illos Doctores mysteria S. Literarum nullus ipso pleniū aut planiū docuerit; & F. Rodericus Vadislaus, Benedictus S. Cæsareæ Maj. à concionibus, in Censurā operibus præfixa: Quid potissimum in tanto quidem opere laudem, vix dicere queo. Nam si dictoris castitatem & elegantiam queras, eam certe repieres, qua cum Ciceronianâ conserri posset. Si rerum gestarum historiam, rationemque tractandæ historiæ; si philosophia subtilem accuratamque rationem; si Theologiae Scholastice argumentum; post Divum Thomam, nullo ex multis, qui de hac familiâ docti ac disserè scripsérunt, inferiorem judicare licebit) libris Locorum Theologicorum, quos Dom. Bannes, Part. I. Q. LXXIV. Art. II. magnâ eruditione & summâ eloquentiâ refertos esse, ait, sequentibus conclusionibus Scholæ auctoritatem circumscribit: Prima: Etiam multorum Scholasticorum testimoniū, si alii docti contrarium propugnant, in questione dubiâ, non plus facit ad fidem, quam facit ratio ab ipsis adducta. Secunda: Ex omnium consensu in re gravi argumentum sumitur adeo probabile, ut refragari temerarium sit. Tertia: In re fidei ac morum omnium consensui contradicere, si non heres, heresitamen proximum est. At quæstio de damnatorum peccatis, neque inter res fidei aut morum, neque inter controversias graves à Parkero pariter atque Cano numerabitur: Ergo plus eorum auctoritati tribui non poterit, quam merentur rationes, ab ipsis in subsidium adscitæ. II. Habet Parkerus infinitas instantias à sacrificio Missatico, à cultu imaginum, à merito operum, à Sacramentorum numero & similibus, ubi veritas ab his magnis hominibus, quos Apologia Aug. Conf. alibi, p. 174. maximam turbam vocat nugacissimorum scriptorum, qui in unum collati accervum, quamquam magnificis titulis ornentur, dum alii vocantur angelici, alii subtile, alii irre-

fra-



fragabiles, omnes lecti & relecti, non tantum conferunt ad intelligendum Paulum, quantum unus veterum Patrum, turpiter & unanimiter deserta & errores plusquam trabales defensi fuerunt. Quæ verò in his talibus iplis adjudicanda verisimilitudo erit? III. Eos ipsos, quos in auxilium vocat, Scholasticos, Parkerus refellit: non, inquiens, pro magistri acumine Lombardus nodum istum solvit; & meliorum sententiam, ut sibi videtur, restituit. Cum enim magno consensu Scholastici, nec Bonaventurâ excepto, (ceu contra Parkerum ex iis, quæ supra produximus, apparere potest) habituale damnatorum peccatum, seu pravam voluntatem tueantur, Parkerus ex Rom. VI. 23. etiam hanc ab illis removet. Tam bellè ipsi cum Scholasticis convenit. IV. Negatur & minor proposicio, quod nempe tantus sit inter Scholasticos circa præsentem quæstionem consensus. Producit Doct. Dorscheus, in laudatissimâ Theologiâ Zacharianâ, Part. I. c. IX. §. 197. Stephanum Brulefer, qui postquam verba Bonaventuræ repetiisset; *Timor servilis austert* damnatis non habitum malæ voluntatis sed actum, hanc *intolerans* addat: Et hec est opinio Bonaventurae, sed non tenetur à Doctoribus modernis, qui dicunt, quod sicut sancti continuâ laudabunt DEUM: ita damnati continuâ blasphemabunt DEUM & actu peccabunt; atque cum eo facere adseverat Durandum à S. Portiano. V. Denique, quæ ad stabilendam Scholasticorum Doctorum auctoritatem comportata sunt, nihil aliud probant, quam ingenii acumine & in enodandis difficultissimis quæstionibus diligentiâ non cedere facile eos cuiquam, nec sine eorundem lectione vel accurate philosophari vel occupari in controversiis nos posse, quæ cum Romanâ Ecclesiâ nobis intercedunt; quæ utrâque manu admittimus: ex quo tamen non sequitur, veritatis indicium esse, in quocunque plures eorum conspirant. Quemadmodum Ecclesiasticos primorum seculorum Patres omnes veneramus, qui tamen pro se quisque singuli nævis non exiguis obnoxii fuerunt, & omnes conjunctim errores haudquaquam leves, ceu palam est, foverunt. Quamquam æquiparare puriora illa lumina impurioribus his in Scholastico orbe sideribus nolimus, de quibus Joh. Aventinus, ap. Luc. Ofiandrum, Centur. XVI. Part. I. c. IIIX. Petrus Lombardus, sententiarum quatuor libros scripsit; sed sacrosanctæ philosophia veritatem, fontemque purissimum,

sicus

sicut plus millies à Jacobo Fabro & Jodoco Clichtoveo, Preceptoribus meis,  
accepi, eano questionum, rivulisque opinionum conturbavit.

CXXI. Argumentum decimum sextum, dubitandum non est, quin inter palmaria primum sit, quod hominem Reformatum ad amplectendam sententiam negantem inducere possit. Neque certè ullo modo status ille *avauagnois* damnatorum citra hypothesis in hoc argumento jaſtam, à quā qualemcumque induit speciem, confistere potest. In examine igitur hujus argumenti observamus, I. ad universam instituti illius discursus molem perpetuam instantiam esse, dæmonem, sicuti subinde ostendemus. Ubi nulla est lex, ibi nulla est transgressio. At in regno dæmonum nulla est lex. Ergo. Conclusio est contra literam, I. Joh. III. 8. Et minor propositio iisdem prorsus argumentis probatur, quibus perspicuum reddit Parkerus, damnatis non esse legem. Ubi enim DE US, dæmonibus se unquam tulisse legem significavit? Aut quā ratione dæmon actiones suas ad publicam componere potest honestatem? Aut qui denique liberè eligere bonum malumque, cum ad malum ex judicio Divino sit determinatus? Quicquid hic regesserit Parkerus, id sibi ipsi responsum esse, ultrò animadvertis ipse. II. Non ignorat Parkerus discrimen inter legem naturalem & positivam, quarum illa ipsam hominis naturam, ut principium revelationis & obligationis, hæc causam exteriorem aliam, potestate *avauagnois* in homines pollentem, agnoscit. Ut adeò limitanda sit ex hac distinctione major propositio: Ubi non est lex, sive ipsi naturæ implantata, sive lata exterius à DEO, ibi non est transgressio; conceditur major, sed negatur minor, quoad disjunctionis membrum prius. Quamquam enim positivam non habeant legem damnavi, quæ in infernali etiam regno ipsos obliget, naturali tamen non ideo carent: *Néos μὴ ξερτούς εἰσιν νόμοι*, ut de gentilibus pronunciat Paulus, Rom. II. 14. Quando igitur dicitur: DEUS, damnatis se legem tulisse, nullo unquam indicio significavit; de lege positivâ admittitur, non de naturali, cuius indicium sufficiens est ipsum naturæ dictamen & conscientiæ horror & impressus cordi character, *μηδέποτε τὸ λογισμὸν κατεργάζεται* ἐκεὶ ἀπολογουμένων. Rom. II. 15. Aut igitur docendum est, deleri factam hanc à naturâ in cordibus inscriptionem in da-